

內經運氣病釋



世補齋醫書前集七

世補齋醫書 內經運氣病釋

目錄

釋一 要論篇

釋六條

六節藏象論篇

釋六條

天元紀大論篇

釋五條

五運行大論篇

釋一條

六微旨大論篇

釋二條

氣交變大論篇

釋五十八條

釋二 五運大論篇

釋四十一條

五常政大論篇

世補齋醫書

目錄

釋三

六元正紀大論篇

釋一百十條

釋四

至真要大論篇

釋四十九條

釋五

至真要大論篇

釋五十四條

釋六

至真要大論篇

釋七十五條

釋七

至真要大論篇

釋二十條

釋八

氣交篇陳氏十方繆氏十方解 釋十條

釋九

六元篇陳氏六方繆氏六方解 釋六條

附內經遺篇病釋一卷釋十九條

世補齋醫書 內經運氣病釋六

元和陸懋修九芝輯 潤庠鳳看參校

至真要大論篇

厥陰之勝

此言風木氣勝而土受制也

民病耳鳴頭眩憤憤欲吐胃脘如寒

此風木之動木邪傷胃胃虛如寒非真寒也乃水飲也

眩脇氣并化而爲熱小便黃赤

此肝邪盛而化熱侵及小腸也

胃脘當心而痛上支兩脇甚則嘔吐噎咽不通

此木盛克土而胃病也

腸鳴飧泄少腹痛注下赤白

此以胃大腸皆屬陽明足經病而手經亦病也

厥陰之勝治以甘清佐以苦辛以酸寫之

甘爲土味清爲金氣土金相生則木有制而土不受克矣
佐以苦辛苦爲火味以生土辛爲金味以制木木性條達
反其性而斂之故爲瀉

厥陰之復

此言木氣先受金制而旣乃復也

民病少腹堅滿裏急暴痛

此肝邪盛而氣急也

厥心痛汗發

此肝邪乘胃上陵於心而陽氣泄也

嘔吐飲食不入入而復出甚則入脾食痺而吐

此脾受肝傷故食入不化或入而氣閉不通吐出乃已也

筋骨掉眩清厥

此風氣盛而頭目顫運手足逆冷也

厥陰之復治以酸寒佐以甘辛以酸寫之以甘緩之

酸爲木味寒爲水氣木之正味其瀉以酸木火相生宜清以寒也佐以甘辛者木盛土衰以甘補土辛從金化以辛

制木也酸寫甘緩皆木之正味而爲正治

少陰之勝

此言君火氣勝而金受制也

民病心下熱善饑齊下反動

此以少陰之脈起心中出屬心系下絡小腸而熱乘之也

氣游三焦嘔逆躁煩腹滿痛澹泄傳爲赤沃

此以熱盛包絡包絡之脈歷絡三焦而上中下俱病也赤

沃便血也

少陰之勝治以辛寒佐以苦鹹以甘寫之

辛爲金味寒爲水氣金水相生則火有制而金不傷佐以

苦鹹苦從火化以助其辛鹹從水化以助其寒也火性急速故以甘緩爲瀉

少陰之復

此言君火先受水制而既乃復也

民病煥熱內作煩躁𩑦噫嗌燥少腹絞痛分注時止

此火炎上而在喉火陷下而居腎大腸分小便之水津而時止時作也

氣動於左上行於右欬暴瘖皮膚痛

此以肺主音聲外合皮毛而受火之傷也

心痛鬱冒不知人迺迺漸惡寒振慄譫妄

此心邪自實神明內亂熱極則生寒非真寒也

寒已而熱渴而欲飲少氣骨痠隔腸不便浮腫噦噫

此寒已而復見真熱也譫妄甚故少氣振慄甚故骨痠陰陽水火不交會於中土故氣阻而外內交病

痲疹瘡瘍癰疽瘰癧甚則入肺欬而鼻淵

此熱甚傷肺不外越於皮毛卽內入於肺經也

少陰之復治以鹹寒佐以苦辛以甘寫之以酸收之辛苦發之以鹹奠之

鹹爲水味寒爲水氣制以其所不勝也佐以苦辛發不遠熱也甘酸以瀉火而斂浮熱苦鹹以散火而解熱結

太陰之勝

此言溼土氣勝而水受制也

民病火氣內鬱瘡瘍於中流散於外

此以寒溼外甚則心火內鬱從中以達於皮膚之外也

病在肱脇甚則心痛

此謂其瘡瘍在肱脇之皮膚若不流散於外則毒歸於內

以心脈出於腋下而起於心中也

熱格頭痛喉痺項強

此謂熱勝而格於上也

獨勝則溼氣內鬱寒迫下焦痛留頂互引眉間頭重腰腫重

強

此謂無熱而溼獨勝也無熱則爲寒溼而下與太陽寒水氣合故其所病皆爲太陽經脈所行之路

胃滿少腹滿內不便善注泄足下溫足脛胛腫飲發於中胛

凡於上

此則寒溼合病而滯於中下也飲發則水又與溼合而上行矣

太陰之勝治以鹹熱佐以辛甘以苦寫之

鹹爲水味熱爲火氣溼熱則以鹹化之寒溼則以熱治之溼勝則土寒辛能溫土甘能補土故佐以辛甘若溼勝而

土實則以苦瀉之土之正味其瀉以苦也

太陰之復

此言土氣先受木制而既乃復也

民病體重中滿飲食不化

此土邪盛而自傷同氣也

胸中不便飲發於中欬喘有聲

此陰氣上逆脾溼侵肺也

頭頂痛重而掉瘵尤甚

此溼在三陽筋脈濡稟也

嘔而密默唾吐清液

此寒溼內動也

甚則入腎竅寫無度

此土邪傳腎腎開竅於二陰而門戶不要水泉不藏也

太陰之復治以苦熱佐以酸辛以苦寫之燥之泄之

苦爲火味熱爲火氣苦瀉土熱燥溼也佐以酸辛者惟木

生火火不足則佐以酸惟金生水火太過則佐以辛也土

位之主其瀉以苦瀉以奪其實燥以勝其溼泄以利其水

也

少陽之勝

此言相火氣勝而金受制也

民病熱於胃煩心心痛目赤欲嘔嘔酸耳痛

此客熱行於上焦故所見病多在上也

善飢善驚譫妄

此客熱行於中焦而火盛傷陰也

少腹痛溺赤下沃赤白

此客熱行於下焦也赤白有氣血之分大便曰利小便曰

濁

少陽之勝治以辛寒佐以甘鹹以甘寫之

辛為金味寒為水氣金水相生則火有制而金不傷佐以

甘鹹甘能瀉火鹹能泄熱也以甘瀉之者甘能除大熱也

少陽之復

此言相火先受水制而既乃復也

民病驚瘵欬衄心熱煩躁便數憎風

此火乘心肺表裏交熱也

面如浮埃目眇瞶瘵上爲口糜嘔逆血溢血泄

此厥氣上行火氣內發故形色變而逼血妄行也

發而爲瘧惡寒鼓慄噤絡焦槁渴引水漿少氣脈萎

此風火相薄陰陽相并寒極而熱津液涸氣血傷也

色變黃赤化而爲水傳爲胗腫

此氣蒸熱化水道不通故溺色變而浮腫如泥也

甚則入肺欬而血泄之苦發火外論其難派也

此以火盛克金而血溢於肺也而百鎰限辛以婚之謂燥

少陽之復治以鹹冷佐以苦辛以鹹奠之以酸收之辛苦發

之

鹹爲水味冷爲水氣制以所不勝也佐以苦辛發散其熱

苦從火化火氣虛則佐以苦辛從金化火氣盛則佐以辛

而又必鹹奠以解熱之結酸收以斂熱之浮辛苦發之所

以申發不遠熱毋犯寒涼之意也當與少陰參看

陽明之勝

此言燥金氣勝而木受制也

民病清發於中左胠脇痛溏泄

此金盛木鬱而清邪陷於下也

內爲噎塞外發癰疔

此肝木受病而清氣上下行也

胸中不便噎塞而欬

此以燥勝則肺氣斂而失其治節也胸中肺之所居

陽明之勝治以酸溫佐以辛甘以苦泄之

酸爲木味溫爲火氣木火相生則金有制而木不傷陽明

有燥金之氣有清金之氣燥氣而有餘則辛以散之清氣

而不足則甘以滋之苦從火化能泄其燥邪也

陽明之復

此言金氣先受火制而既乃復也

民病生肱脇氣歸於左善太息

此金氣盛而肝傷則木爲之鬱肝陽不升膽亦病也

甚則心痛否滿腹脹而泄嘔苦欬噦煩心病在鬲中

此清氣太過陽明氣逆心胃生寒而皆病也

頭痛甚則入肝驚駭筋攣

此金氣乘肝也厥陰肝脈上額與督脈會於巔

陽明之復治以辛溫佐以苦甘以苦泄之以苦下之以酸補

之

辛爲金味溫爲火氣瀉金以辛勝清以溫也苦以制金甘以生金故佐以苦甘而又苦泄以開燥結酸補以斂津液下亦泄也

太陽之勝

此言寒水氣勝而心受制也

民病痔瘡發

此以太陽經脈貫膈故痔發以邪正分爭而寒熱互作故瘡發皆寒勝火鬱之病也

寒厥入胃內生心痛

此寒入胃胃脘當心而痛胃脘在心下故曰心痛

陰中迺傷隱曲不利互引陰股

此以太陽之脈絡腎屬膀胱故也

筋肉拘苛血脈凝泣絡滿色變或為血泄

此筋肉血脈得寒而痺經虛則絡滿血凝則下泄也

皮膚否腫腹滿食減

凡此水病之內外分見者也

熱反上行頭項凶頂腦戶中痛目如脫寒入下焦傳為濡寫

太此水病之上下分見者也

太陽之勝治以甘熱佐以辛酸以鹹寫之

甘為土味熱為火氣火土相生則水有制而火不散佐以

辛酸辛散寒邪之實酸收心氣之傷也水之正味其瀉以

鹹

太陽之復

此言水氣先受土制而既乃復也

民病心胃生寒胸膈不利心痛否滿

此寒在膈間而上下之氣不得通利也

頭痛善悲時眩仆食減

此寒併於上而陽神虛清陽失守不能熟腐水穀也

腰腓反痛屈伸不便

此寒歸水藏而太陽經脈自病也

少腹控辜引腰脊上衝心

此寒客三陰而上侵君火也

唾出清水及爲噦噫

此寒水侮土胃腕無陽也

甚則入心善忘善悲

此寒甚乘心心藏神而神不足也

太陽之復治以鹹熱佐以甘辛以苦堅之

鹹爲水味熱爲火氣瀉水以鹹治寒以熱也佐以甘辛甘以制水辛能散寒也經曰腎欲堅急食苦以堅之

--	--	--	--	--	--	--	--	--	--	--

世補齋醫書 內經運氣病釋七

元和陸懋修九芝輯 子潤庠鳳石參校

至真要大論篇

諸風掉眩皆屬於肝

此言肝之標為足厥陰而其本風也

諸暴強直皆屬於風

此言足厥陰肝經之病風氣通於肝也

諸痛痒瘡皆屬於心

此言心之標為手少陰而其本熱也

諸熱瞀瘵皆屬於火

此言手少陰心經之病熱氣通於心也心君火也

諸溼腫滿皆屬於脾

此言脾之標爲足太陰而其本溼也

諸脹腹大皆屬於熱

此言足太陰脾經之病溼氣通於脾而化爲熱也

諸氣臏鬱皆屬於肺

此言肺之標爲手太陰而其本燥也

諸病有聲鼓之如鼓皆屬於熱

此言手太陰肺經之病諸氣通於肺也有聲者欬喘之類

諸寒收引皆屬於腎

此言腎之標爲足少陰而其本寒也

諸病水液澄澈清冷皆屬於寒

此言足少陰腎經之病寒氣通於腎也

諸瘕項強皆屬於溼

此言足太陽膀胱之病也膀胱爲水溼之府故屬於溼

諸躁狂越皆屬於火

此言足陽明胃經府之病也胃經胃府皆爲燥金熱甚則

胃陰亡故亦屬火

諸嘔吐酸暴注下迫皆屬於熱

此言足少陽膽經之病也少陽爲相火故屬於熱

諸轉反戾水液渾濁皆屬於熱

此言手太陽小腸之病也太陽本寒而標則陽故亦屬熱
諸病冊腫疼酸驚駭皆屬於火

此言手陽明大腸之病也大腸爲胃府經熱入府遂爲火
證故屬於火

諸痿喘嘔皆屬於上
諸厥固泄皆屬於下

此言手少陽三焦之病也三焦之氣游行上下而治必取
諸中焦中安而上下皆安也痿屬心肺厥屬腎肝

諸禁鼓慄如喪神守皆屬於火

此亦三焦之火獨盛於中卽陽明所見眞熱之病亦卽厥陰所見假寒之病所以口噤肢慄似屬於寒而實皆屬於火也

諸逆衝土皆屬於火

此言手厥陰心包絡之病也心包代君受邪故亦屬火故大要曰謹守病機各司其屬有者求之無者求之盛者責之虛者責之必先五勝疏其地氣令其調達而致和平此之謂也

此引古經大要之言以明十九條之病機各有所屬也經何以言有者求之無者求之有無皆以證言人但知有是

證之爲病而不知無是證之爲病或隱伏也故旣於有者
求之尤當於無者求之也經何以言盛者責之虛者責之
盛謂邪已實邪而實不可不知虛謂邪未實邪未實尤不
可不知也故旣曰盛者責之而又必曰虛者責之也虛曰
責之不曰補之謂必審其爲實而後可瀉耳

辛甘發散爲陽酸苦湧泄爲陰鹹味涌泄爲陰淡味滲泄爲
陽六者或收或散或緩或急或燥或潤或奠或堅以所利而
行之調其氣使其平也

此言十九條之病機總以調之使平爲治凡宜發散則用
辛甘宜涌泄則用酸苦宜涌泄宜滲泄則用鹹與淡者皆

治也皆所以疏其氣使調達而致和平也以見不疏其氣
卽不調達而不和平也治病之法宜何從乎而謂病機可
不審乎

經何以於十九條內獨不言燥以燥本屬寒而毗於寒則
爲寒毗於火卽爲火易所以謂火就燥也况諸暴強直風
亦致燥諸瘧項強溼亦化燥燥無定也則凡十九條皆可
以求燥也豈是獨遺燥耶

以本錄山皇長國漢城事

衣冠與前漢京師迥然外服雖燕京也限於十六為清江
欲寒則然入明窗大長池其備及此狀由與前燕京而
詳同是效中長燕內備不言燕以與本錄漢而測效矣則
不謂平其其不也

喻不關教而不味平也前錄之志宜河海平而樂自海
命出海而自測其前對關多而刻味平也其良不流其後

世補齋醫書 內經運氣病釋八

元和陸懋修九芝輯 子 潤庠鳳石參校

陳無擇三因方附子山萸湯 病見前氣交篇今不再出

此以六甲年太宮運歲土太過雨溼流行土勝木復而民

病焉故宜以此方治之

附子片 炮 山茱萸 烏梅肉 木瓜 肉豆蔻 姜半夏

丁香 木香 生薑 大棗

繆問解此方曰敦阜之紀雨溼流行腎中真氣被遏則火之為用不宣脾土轉失溫煦此先後天交病之會也經謂溼淫於內治以苦熱故以附子大熱純陽之品直達坎陽

以消陰翳回厥逆而鼓少火治腎而兼治脾但附子性殊
走竄必賴維持之力而用始神有如眞武湯之於白芍地
黃飲之於五味是也此而不佐以萸肉之酸收安必其入
腎而無劫液之慮不借以烏梅之靜鎮難必其歸土而無
燥肺之憂得此佐治非徒陽弱者賴以見功卽陰虛者亦
投之中藥矣然腹滿溇泄爲風所復土轉受戕則治肝亦
宜急也藏宜補既有萸肉以培乙木府宜瀉更用木瓜以
泄甲木所以安甲乙者卽所以資戊己也肉果辛溫助土
有止瀉之功兼散皮外絡下諸氣治肉萎所必需再複以
半夏之利溼丁木香之治胃木瓜烏梅之療痿生薑大棗

之和中眼光四射矣風氣來復有酸味羣藥補之瀉之尙何顧慮之有哉

陳無擇三因方白朮厚朴湯

此以六己年少宮運歲土不及風乃盛行木勝金復而民病焉故宜以此方治之

白朮 厚朴 桂心 青皮 甘草 藿香 乾薑 炮半

夏

繆問解此方曰歲土不及寒水無畏風乃大行民病飡泄霍亂等證皆土虛所見端但土虛則木必乘之是補太陰必兼泄厥陰也夫脾爲陰土所惡者溼所畏者肝其取資

則本於胃古人治脾必及胃者恐胃氣不得下降則脾氣不得上升胃不能游溢精氣脾卽無所取資故君以白朮甘苦入脾燥溼卽佐以厚朴苦溫平胃理氣是補藏通府之法也肝爲將軍之官乘土不足而陵犯中州是宜泄之桂心辛甘泄肝之氣青皮苦酸泄肝之血辛酸相合足以化肝複以甘草緩肝之急監制過泄之品毋令過侵藏氣再合藿香之辛芬橫入脾絡炮薑之苦辛上行脾經半夏之辛潤下宣脾氣其種種顧慮總不外乎奠安中土使脾氣固密自不畏乎風氣之流行矣金氣來復又得厚朴半夏瀉肺氣之有餘不用苦寒戕土卽內經以平爲期不可

太過之義也是方不用薑棗以脾之氣分受邪無藉大棗入營之品且畏薑之峻補肝陽錦心妙諦豈語言所能推贊哉

陳無擇三因方紫苑湯

此以六乙年少商運歲金不及炎火乃行火勝水復而民病焉故宜以此方治之

紫苑茸 桑白皮 人參 黃芪 地骨皮 杏仁 白

芍藥 甘草 生薑 大棗

繆問解此方曰凡歲金不及之年補肺卽當瀉火以折其炎上之勢若肺金自餒火乘其敝民病肩背痛膺重欬

便血注下不救其根本可乎哉蓋肩背爲雲門中府之會
肺脈所循鼻爲肺竅肺傷則鼻嚏肺與大腸爲表裏氣不
下攝則爲便血注下藏病而府亦病此時惟有清火止泄
一法急補肺金斯爲得耳紫苑苦溫下氣和血寒熱咸治
桑皮甘寒補血益氣吐畜所需而尤賴參芪固無形之氣
卽以攝走泄之陰也氣交之火必潛伏金中地骨皮甘平
微苦能瀉肺中伏火止其血之沸騰又肺苦氣上逆泄之
以杏仁之苦肺欲收斂之以白芍之酸合之甘草補土生
金薑棗調和營衛緩諸藥於至高之分而參芪得收指臂
之功爲水所復不用別藥蓋補土可以生金而實土卽以

禦水也

陳無擇三因方牛膝木瓜湯

此以六庚年太商運歲金太過燥氣流行金勝火復而民病焉故宜以此方治之

牛膝 木瓜 白芍藥 杜仲 黃松節 兔絲子 枸

杞子 天麻 生薑 大棗 甘草

繆問解此方曰此治歲金太過肝木受邪之方也夫金性至剛害必陵木民病兩脇與少腹痛目赤痛肩背至胫足皆痛是非肝爲金遏鬱而不舒胡上下諸痛悉見耶蓋肝藏血而所畏惟金肺氣逆行不獨上蒙清竅且無以榮養

百骸緣見諸痛及其火復陰傷更致氣血交病用藥之例
補肝血者可以從酸補肝氣者必不得從辛矣何則酸可
育肝之陰辛則劫肝之血也故方用牛膝酸平下達爲君
木瓜酸溫舒筋爲臣而卽佐以白芍和厥陰之陰且制肺
金之橫杜仲養風木之氣自無辛烈之偏同爲氣血交補
義仍重取肝陰最爲有見至松節利血中之溼且治關節
之疼兔絲入三陰之經專助筋脈之力複以枸杞甘平潤
肺合之天麻辛溫息風金安瀉木亦平此則柔克之道也
顧慮周密雖有火氣來復喘欬氣逆等證亦可無憂矣

陳無擇三因方黃連茯苓湯

此以六丙年太羽運歲水太過寒氣流行水勝土復而民病焉故宜以此方治之

黃連 黃芩 赤茯苓 半夏 通草 車前子 甘草

遠志 麥冬 生薑 大棗

繆問解此方曰歲水太過寒氣流行邪害心火此而不以辛熱益心之陽何耶按六丙之歲太陽在上澤無陽焰火發待時少陰在上寒熱陵犯氣爭於中少陽在上炎火乃流陰行陽化皆寒盛火鬱之會也故病見身熱煩躁譫妄脛腫腹滿等證種種俱水溼鬱熱見端投以辛熱正速斃耳丙爲陽剛之水故宗內經氣寒氣涼治以寒涼立方妙

在不理心陽而專利水清熱以黃連之可升可降寒能勝
熱者平其上下之熱更以黃芩之可左可右逐水溼清表
熱者泄其內外之邪茯苓半夏通利陽明通草性輕專療
浮腫車前色黑功達水源甘草爲丸土之精實隄禦水使
水不上陵於心而心自安也心爲君主義不受邪僅以遠
志之辛祛其譖妄遊刃有餘心脾道近治以奇法也但苦
味皆從火化恐燥則傷其嬌藏故佐以麥冬養液保金且
以麥冬合車前可已溼痺具見導水功能土氣來復卽借
半夏之辛溫以疏土實用藥之妙豈思議所可及哉

陳無擇三因方五味子湯

水大酸寒兼散心水觀土毒而用

此以六辛年少羽運歲水不及溼乃盛行土勝木復而民病焉故宜以此方治之

五味子

附子片

熟地黃

巴戟天

鹿茸

杜仲

炒

山茱萸

生薑

鹽

繆問解此方曰辛年主病身重濡泄寒瘍足痿清厥等證皆涸流之紀腎虛受溼也然而淡滲逐溼則傷陰風藥勝溼益耗氣二者均犯虛虛之戒矣蓋腎中之陽弱少火乏生化之權則濡泄肌肉失溫煦之運則溼不行因而入氣分則爲身重入血分則爲寒瘍腎中之陰弱則痿痛而煩寃卽內經所稱內舍腰膝外舍谿谷皆溼之爲害也故君

以五味子之酸收收陰陽二氣於坎中臣以直入坎宮之
附子急助腎陽遍走經絡驅逐陰霾破竹之勢有非他藥
可及者再佐以熟地甘苦悅下之味填補腎陰助五味子
固護封蟄治腎之法無遺蘊矣巴戟甘溫入陰除痺有效
鹿茸鹹溫補血益髓稱神精不足者補之以味是也爲木
所復目視眈眈筋骨痠楚肝虛可知肝欲辛補之以杜仲
之辛肝喜酸與之以萸肉之酸況二藥並行能除溼痺而
利關節補肝卽所以益腎又子能令母實之義非獨治其
來復也

陳無擇三因方菴蓉牛膝湯

此以六丁年少角運歲木不及燥乃盛行金勝火復而民病焉故宜以此方治之

茯苓 熟地黃 牛膝 當歸 白芍藥 木瓜 甘草

烏梅 鹿角 生薑 大棗

繆問解此方曰此與六庚年之牛膝湯同爲補肝之劑而補之之法大有逕庭矣民病肱脇少腹痛厥陰之經下絡少腹肝虛則陽下陷而爲痛木動則風內攻而爲腸鳴驚澹是年風燥火熱多陽少陰不資液以救焚則熇熇之勢遂致燎原是當藉天一之水以制其陽焰者也但腎爲肝母徒益其陰則木無氣以升遂失春生之性僅補其陽則

木乏水以溉保無隕落之憂故必水火雙調庶合虛則補
母之義菴蓉鹹能潤下温不劫津坎中之陽所必需熟地
苦能堅腎潤以滋燥腎中之陰尤有賴陰陽平補不致有
偏勝之虞矣合之牛膝酸平達下再復歸芍辛酸化陰直
走厥陰之藏血燥可以無憂但爲火所復而爲寒熱爲瘡
瘍則一從少陽始一從少陰來也木瓜之酸泄少陽甘草
之甘瀉少陰烏梅止瀉泄鹿角主瘡瘍薑棗和營衛同一
補肝而法有不同如此

陳無擇三因茯苓湯

此以六壬年太角運歲木太過風氣流行木勝金復而民

病焉故宜以此方治之

白茯苓 白朮 甘草 草果 厚朴 半夏 乾薑炮

青皮 生薑 大棗

繆問解此方曰發生之紀風氣流行木旺肝強脾土受邪之會也民病飧泄食減體重煩冤腸鳴腹滿甚則怱怱善怒肝木乘脾極矣是當用肝病實脾法以爲根本之地夫風淫所勝治以苦甘而治藏必先通府故君以茯苓通利脾家之溼而卽臣以白朮甘草一苦一甘補脾之體佐以草果厚朴辛香導滯宣脾之用健運不愆藏府有交賴矣半夏助辛淡之用炮薑資焦苦之功治脾之法已盡乎此

而風淫所勝平之宜急加以青皮之酸合之甘草之甘所謂以酸瀉之以甘緩之是也金氣來復脇痛而吐木益病矣瀉之緩之已備具於諸藥之中使以薑棗調營益衛爲治中所必需信乎治病之必求於本也

陳無擇三因方麥門冬湯

此以六戊年太徵運歲火太過炎暑流行火勝水復而民病焉故宜以此方治之

麥門冬 人參 桑白皮 紫苑茸 半夏 甘草 白

芷 竹葉 生薑 大棗

繆問解此方曰歲火太過炎暑流行熱甚則燥肺金受其

侮矣民病瘡少氣血溢泄等證肺藏被燥可知此而不陰
陽並補則金敗水竭火無所畏多將焯焯矣麥冬養肺之
陰人參益肺之氣張潔古謂參味苦甘甘能瀉火麥冬味
苦兼泄心陽且救金且抑火一用而兩擅其長肺之欲有
不遂者乎然肺爲多氣之藏益之而無以開之亦不可也
桑皮甘寒紫苑微辛開其膈鬱藉以爲止血之功再用半
夏甘草以益脾土虛則補其母也白芷辛芬能散肺家風
熱治脇痛稱神竹葉性升引藥上達補肺之法無餘蘊矣
水氣來復實土即可禦水又何煩多贅乎要知此方之妙
不犯瀉心苦寒之品最爲特識蓋歲氣之火屬在氣交與

外淫之火有間設用苦寒土氣被戕肺之化源絕矣是方也惟肺脈微弱者可用若沈數有力及浮洪而滑疾者均非所宜此中消息願後賢會之

陳無擇三因方黃芪茯神湯

此以六癸年少微運歲火不及寒乃盛行水勝土復而民病焉故宜以此方治之

生黃芪 茯神 紫河車 遠志 酸棗仁 生薑 大

棗

繆問解此方曰六癸之水其藏爲心其發爲痛揆厥病情無一非心血不足見端蓋心爲生血之藏血足則榮養百

骸不足則病多傍見如胸脇膺背諸痛甚則屈不能伸而
肩臂之絡如青靈少海諸穴咸系於心則止痛必專補血
從可知矣方用黃芪走表止痛於外茯神入心益氣於中
而卽以河車血肉有情補其心血遠志挈離入坎育其心
神藥物無多簡而該切而當矣土氣來復反侵水藏亦足
妨心佐以苡米甘淡悅脾既有治痿之功而又借以交通
心腎蓋嬰兒媿女必媒合於黃婆此治心腎者所以必兼
治脾也要之氣交之病多屬藏氣侵陵非如六府之可瀉
卽偶用以佐治亦不可以太過天干十方具本此義特爲
拈出可爲世之操刃者頂門下一鍼矣

世已重於世之世以能而國不... 錢公

明神宗皇帝出帝本不所以大駭天下十八其本也

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

聖祖皇帝之隆慶之隆多屬其隆其隆其隆其隆其隆

世補齋醫書 內經運氣病釋九

元和陸懋修九芝輯 子 潤庠鳳石參校

陳無擇三因方敷和湯

病見前六元篇今不再出

此以巳亥十年厥陰司天少陽在泉風燥火熱之氣見於氣交而民病焉故宜以此方治之

半夏 茯苓 酸棗仁生 甘草炙 五味子 乾薑炮 枳實

青皮 訶子 大棗

初之氣陽明加臨厥陰 本方加牛蒡子

二之氣太陽加臨少陰 本方加麥冬 山藥

三之氣厥陰加臨少陽 本方加紫苑

十和齋醫書 卷九
四之氣少陰加臨太陰 本方加澤瀉

五之氣太陰加臨陽明 依本方

終之氣少陰加臨太陽 依本方

繆問解此方曰風木主歲經謂熱病行於下風病行於上
風燥勝復形於中溼化乃行治宜辛以調其上鹹以調其
下蓋辛從金化能制厥陰鹹從水化能平相火揆厥病機
或爲寒或爲熱或爲溫厲病非一端氣原癘雜用藥非具
卓識又何從而措手哉此方配合氣味尤妙論其氣則寒
熱兼施論其味則辛酸鹹合用有補虛有瀉實其大要不
過瀉火平木而已半夏辛能潤下合茯苓之淡滲祛溼除

黃棗仁生用能瀉相火甘草炙用能緩厥陰別錄載五味
子除熱有專功故風在上以甘酸泄之而火在下以鹹溫
制之也再加炮薑以溫上年未退之寒積實以泄本年在
中之溼青皮訶子協大棗醒胃悅脾無邪不治矣初之氣
加牛蒡之辛平導炮薑之辛溫以散寒二之氣病反中熱
加麥冬以清金山藥以益土三之氣木邪內肆加紫苑佐
金平水四之氣溼熱交甚加澤瀉以逐溼山梔以清溼中
之熱五氣終氣並從本方藥味無多絲絲入籠世謂司天
板方不可爲訓豈其然哉

按繆氏於初氣民病寒於右之
下解作右脇因謂炮薑能溫右

脇之寒此誤
也故改之

陳無擇三因方正陽湯

按陳氏以平氣升陽二字歸諸少陽相火故於少陰君火之年以正陽名

其方

此以子午十年少陰司天陽明在泉水火寒熱之氣見於氣交而民病焉故宜以此方治之

當歸 川芎 元參 旋覆花 白微 白芍藥 桑白

皮 甘草 生薑

初之氣太陽加臨厥陰 本方加升麻 棗仁

二之氣厥陰加臨少陰 本方加車前子 白茯苓

三之氣少陰加臨少陽 本方加麻仁 杏仁

四之氣太陰加臨太陰 本方加荆芥 茵陳

五之氣少陽加臨陽明 依本方

終之氣陽明加臨太陽 本方加蘇子

繆問解此方曰少陰司天之歲經謂熱病生於上清病生於下寒熱固結而爭於中病欬喘血溢泄及目赤心痛等證寒熱交爭之歲也夫熱爲火性寒屬金體用藥之權當辛溫以和其寒酸苦以泄其熱不致偏寒偏熱斯爲得耳君當歸味苦氣溫可升可降止諸血之妄行除欬定痛以補少陰之陰川芎味辛氣溫主一切血治風痰飲發有神功元參味苦鹹色走腎而味入心偕旋覆之鹹能冥堅白微之鹹以泄熱者合內經鹹以調其上之法也白芍酸苦

微寒主邪氣而除血痺偕桑皮之瀉肺火而散瘀血者合
內經酸以安其下之義也諸藥既有維持上下之功復加
甘草生薑一和一散上熱下清之疾胥蠲矣初之氣加升
麻之升清陽酸棗之除煩渴以利其氣鬱氣利則諸痛自
止二之氣加車前以明目茯苓以通淋三之氣加麻杏二
味一以潤燥一以開肺四之氣加荆芥入木泄火止妄行
之血茵陳入土除溼去瘀熱之黃陳氏藏器謂荆芥搜肝
風治勞渴啞乾飲發均為專藥五之氣依正方終之氣加
蘇子以下氣傳曰剛克柔克真斯道之權衡也

陳無擇三因方備化湯

此以丑未十年太陰司天太陽在泉溼寒之氣見於氣交而民病焉故宜以此方治之

附子片炮 生地黃 茯苓 覆盆子 牛膝 木瓜 生

薑 甘草

初之氣厥陰加臨厥陰 依本方

二之氣少陰加臨少陰 本方去附子加防風

三之氣太陰加臨少陽 本方加澤瀉天麻

四之氣少陽加臨太陰 依本方

五之氣陽明加臨陽明 依本方

終之氣太陽加臨太陽 依本方

繆問解此方曰丑未之歲陰專其令陽氣退避民病腹脹
附腫痞逆拘急其爲寒溼合邪可知夫寒則太陽之氣不
行溼則太陰之氣不運君以附子大熱之品通行上下逐
溼祛寒但陰極則陽爲所抑溼中之火亦能逼血上行佐
以生地涼沸騰之勢并以制辛烈之雄茯苓覆盆一滲一
斂牛膝木瓜通利關節加辛溫之生薑兼疏地黃之膩膈
甘溫之甘草并緩附子之妨陰謂非有制之師耶二之氣
熱甚於溼故加防風走表以散邪天麻息風以禦火三之
氣溼甚於熱故加澤瀉以利三焦決瀆之道餘氣並依正
方抑其太過扶其不及相時而動按氣以推非深明於陰

陽之遞嬗藥餌之功用者烏足以語於斯

陳無擇三因方升明湯

此以寅申十年少陽司天厥陰在泉風熱之氣見於氣交而民病焉故宜以此方治之

酸棗仁生熟各半 車前 紫檀香 薔薇 青皮 半夏 生

薑 甘草

初之氣少陰加臨厥陰 本方加白微 元參

二之氣太陰加臨少陰 本方加丁香

三之氣少陽加臨少陽 本方加赤芍 漏蘆 升麻

四之氣陽明加臨太陰 本方加茯苓

五之氣太陽加臨陽明 依本方

終之氣厥陰加臨太陽 本方加五味子

繆問解此方曰是歲上爲相火下屬風木正民病火淫風
勝之會也棗仁味酸平本經稱其治心腹寒熱邪結熟用
則補肝陰生用則清膽熱故君之以泄少陽之火佐車前
之甘寒以瀉肝家之熱在天在泉一火一風咸賴乎此紫
檀爲東南間色寒能勝火鹹足柔肝又上下維持之聖藥
也風木主令害及陽明嘔吐瘧泄俱肝邪犯胃所致薑薇
爲陽明專藥味苦性冷除風熱而散瘡瘍兼清五藏客熱
合之青皮半夏生薑平肝和胃散逆止嘔甘草緩肝之急

能瀉諸火平平數藥無微不入理法兼備之方也初之氣
加白微苦鹹以清血分之邪元參苦寒以除氣分之熱二
之氣加丁香醒脾止吐三之氣加赤芍之酸寒以清血分
之熱漏蘆之鹹寒以清氣分之邪蓋漏蘆能通小腸消熱
毒且升麻升散火邪以治目赤四之氣加茯苓利溼泄滿
五之氣依正方終之氣加五味子之酸以收之

陳無擇三因方審平湯

此以卯酉十年陽明司天少陰在泉清熱之氣見於氣交
而民病焉故宜以此方治之

天門冬 山茱萸 白芍藥 遠志 紫檀香 白朮

生薑 甘草

初之氣太陰加臨厥陰 本方加茯苓 半夏 紫蘇

二之氣少陽加臨少陰 本方加白微 元參

三之氣陽明加臨少陽 本方去黃肉加丹參 遠志 白朮

四之氣太陽加臨太陰 本方加棗仁 車前

五之氣厥陰加臨陽明 依本方

終之氣少陰加臨太陽 依本方

繆問解此方曰陽明司天少陰在泉民見諸病莫非金燥火烈見端治宜鹹與苦與辛鹹以抑火辛苦以助金故君以天冬苦平濡潤化燥抑陽古人稱其治血妄行能利小

便爲肺家專藥有通上徹下之功金不務德則肝必受戕
莢肉補肝陽也白芍益肝陰也但火位乎下勢必炎上助
燥滋虐爲害尤烈妙在遠志辛以益腎能導君火下行紫
檀鹹以養營且制陽光上僭又佐白朮以致津合生薑以
散火甘草潤肺瀉心運氣交賴其配合氣味之妙如此凡
水火不調等證有不立愈者哉初之氣加茯苓半利水和脾
紫蘇補中益氣二之氣加白微之苦鹹以治寒熱元參之
苦寒以泄浮火三之氣燥熱相合故去莢肉之酸收遠志
之苦泄白朮之香燥加丹參生血和營佐車前益腎導火
四之氣加棗仁入心以育神車前入腎以治痿五氣終氣

皆不用加減成法可稽而無不可見活法之妙也

陳無擇三因方靜順湯

此以辰戌十年太陽司天太陰在泉寒溼之氣見於氣交而民病焉故宜以此方治之

附子片炮 乾薑炮 茯苓 牛膝 甘草 防風 訶子

木瓜

初之氣少陽加臨厥陰 本方去附子加枸杞

二之氣陽明加臨少陰 本方仍加附子

三之氣太陽加臨少陽 本方去薑附 木瓜 加人參
地榆 枸杞 白芷

四之氣厥陰加臨太陰 本方加石榴皮

五之氣少陰加臨陽明 依本方

終之氣太陰加臨太陽

本方

去牛膝
加當歸

白芍藥

阿膠

繆問解此方曰太陽司天之歲寒臨太虛陽氣不令正民
病寒溼之會也君附子以溫太陽之經臣炮薑以煦太陰
之陽茯苓牛膝導附子專達下焦甘草防風引炮薑上行
脾土複以訶子酸能醒胃木瓜酸可入脾且賴欽攝肺金
恐辛熱之僭上而無制也防風附子皆通行十二經合用
之而表裏寒溼均除矣初之氣風火交煽故去附子之辛
熱且加枸杞以養陰二之氣大涼反至故仍加附子以禦
寒也三之氣病寒反熱不宜酸溫益火故去薑附木瓜熱

傷氣加人參以助氣熱傷血加地榆以涼血再以枸杞養
營益陰白芷消散外瘍四之氣風溼交爭加石榴皮甘酸
溫澀且治筋骨腰腳攣痛并主注下赤白五之氣無有他
害故依正方終之氣一陽內伏津液爲傷故去牛膝破血
之品而加歸芍入肝以致津阿膠入腎以致液焉

內經遺篇病釋小引

素問不見疫字以刺法本病二篇之遺也六元正紀初終之氣有病溫厲者固卽內經之論疫然疫之一字則獨見於刺法本病論中自二篇之遺而疫字遂不見於內經後人之不識何病是疫且競以溫熱病爲疫者蓋卽因此二篇之遺故耳余於運氣之病旣逐篇盡釋之而以此二篇所論五疫之大小相似正與六元紀之遠近咸若互相發明真是論疫之原不可不並爲之釋意固不僅爲天地五星呆詮升降故不爲之表而但論而存之以貽世之欲明疫病非溫熱卽可以知溫熱之治必當求諸仲景傷寒之論是則余所望於後之

君子矣

夫君子之德也，有如水也。水之於下，無所不至。君子之於德，亦猶是也。德之於民，猶水之於魚。水涸則魚亡，德廢則民散。故君子必先慎乎德。德者本也，財者末也。外本而末，則民散。故君子居則遷，動則定。德者，本也。財者，末也。外本而末，則民散。故君子居則遷，動則定。德者，本也。財者，末也。外本而末，則民散。故君子居則遷，動則定。

世補齋醫書 內經遺篇病釋

元和陸懋修九芝輯

子 潤庠鳳石參校

刺法本病二篇

此二篇皆言疫癘之由與六元正紀五鬱證相表裏也

巳亥年火金二鬱證

民病伏陽内生煩熱心神驚悸寒熱間作久鬱暴熱化作溫
癘火疫皆煩而燥渴渴甚治之以泄之可止

此巳亥繼辰戌之後厥陰當正太陽之位以司天其間氣
少陰君火居辰戌之泉右者必先升巳亥之天左然後司
天厥陰得以遷正而火所畏者天蓬水星也勝之則升而

十不支書言 一名
不前凡丑卯巳未酉亥六支皆屬陰年卽皆不及巳亥以
不及之支厥陰未及遷正其升天左之君火本未當位而
又遇辛巳辛亥年干中運並以水勝少陰之火故巳亥支
中獨於二辛水干每見火鬱之證也

民皆昏倦夜臥不安咽乾引飲懊熱內煩久而掉眩手足直
而不仁兩脇作痛滿目忙忙

此巳亥繼辰戌之後厥陰當正太陽之位以司天其間氣
陽明燥金居辰戌之天右者必先降巳亥之泉左然後司
天厥陰得以遷正而金所畏者地形火星也勝之則降而
不入凡子寅辰午申戌六支皆屬陽年卽皆有餘上陽支

辰戌司天太陽以有餘而不退位則天右陽明本未當位
而又遇癸巳癸亥年干中運並以火勝陽明之金故巳亥
支中獨於二癸火干每見金鬱之證也

巳亥年太陽不退位則厥陰不遷正

民病原闕

按是年經文原闕民病而以上年太陽未即退位之義推之當即可以巳亥初氣民病寒於右之下

一語補之

又病喜怒目系轉轉筋淋洩小便赤按前病是因不退位後病

是因不遷正下放此

此以巳亥之年猶行辰戌之令寒氣布天風化不行也

子午年土水二鬱證

民病風厥涎潮偏痺不隨脹滿久而伏鬱化疫夭亡臉支府

黃疸滿閉

此子午繼巳亥之後少陰當正厥陰之位以司天其間氣
太陰溼土居巳亥之泉右者必先升子午之天左然後司
天少陰得以遷正而土所畏者天衝木星也勝之則升而
不前凡他子午支火土金水運太陰土均無所畏而惟壬
子壬午木運之年剛木干太過之氣先天而至中運之木
隨之勝土而巳亥泉右之土斯鬱故子午支中獨於二壬
木干每見土鬱之證也

民病大厥四肢重怠陰痿少力

此子午繼巳亥之後少陰當正厥陰之位以司天其間氣

太陽寒水居巳亥之天右者必先降子午之泉左然後司
天少陰得以遷正而水所畏者地阜土星也勝之則降而
不入凡他子午支木火金水之運太陽水均無所畏而惟
甲子甲午土運之年剛土干太過之氣先天而至中運之
土隨之勝水巳亥天右之水斯鬱故子午支中獨於二甲
土干每見水鬱之證也

子午年厥陰不退位則少陰不遷正

民病溫疫疢廢風生皆支節痛頭目痛伏熱內煩咽喉乾引
飲又病寒熱四支煩痛腰脊強直

此以子午之年猶行巳亥之令熱化不行風反爲災也

丑未年火木二鬱證

民病伏陽在內煩熱生中心神驚駭寒熱間爭久鬱而化伏
熱內煩痺而生厥甚則血溢

此丑未繼子午之後太陰當正少陰之位以司天其間氣
少陽相火居子午之泉右者必先升丑未之天左然後司
天太陰得以遷正而火所畏者天蓬水星也勝之則升而
不前凡丑卯巳未酉亥六支皆屬陰年即皆不及丑未以
不及之支太陰未及遷正其應升天左之少陽本未當位
而又遇辛丑辛未年干中運並以水勝少陽之火故丑未
支中獨於二辛水干每見火鬱之證也

民皆風燥相伏懼清傷藏

此丑未繼子午之後太陰當正少陰之位以司天其間氣厥陰風木居子午之天右者必先降丑未之泉左然後司天太陰得以遷正而木所畏者地晶金星也勝之則降而不入凡子寅辰午申戌六支皆屬陽年卽皆有餘上陽支子午司天少陰以有餘而不退位則右間厥陰本未當位而又遇乙丑乙未年干中運並以金勝厥陰之木故丑未支中獨於二乙金干每見木鬱之證也

丑未年少陰不退位則太陰不遷正

民病膈熱咽乾血溢驚駭小便赤澀丹痛癩瘡瘍留毒 又

病手足肢節腫滿大腹水腫填臆不食殮泄脇滿四肢不舉
此以丑未之年猶行子午之令兩化不行熱氣尙治也

寅申年金火二鬱證

民病上熱喘嗽血溢久鬱而化脇滿悲傷寒歎噎嗝乾手拆
皮膚燥

此以寅申繼丑未之後少陽當正太陰之位以司天其間
氣陽明燥金居丑未之泉右者必先升寅申之天左然後
司天少陽得以遷正而金所畏者天英火星也勝之則升
而不前凡他寅申支木土金水之運陽明金均無所畏而
惟戊寅戊申火運之年剛火干太過之氣先天而至中運

之火隨之勝金丑未泉右之金斯鬱故寅申支中獨於二
戌火干每見金鬱之證也

民病面赤心煩頭痛目眩温病欲作

此以寅申繼丑未之後少陽當正太陰之位以司天其間
氣少陰君火居丑未之天右者必先降寅申之泉左然後
司天少陽得以遷正而火所畏者地元水星也勝之則降
而不入凡他寅申支木火土金之運少陰火均無所畏而
惟丙寅丙申水運之年剛水干太過之氣先天而至中運
之水隨之勝火丑未天右之火斯鬱故寅申支中獨於二
丙水干每見火鬱之證也

寅申年太陰不退位則少陽不遷正

民病四支少力食飲不下足脛寒陰痿閉塞失溺小便數泄

注淋漓又病痲瘡骨熱心悸驚駭甚時血溢天而至中鼓

此以寅申之年猶行丑未之令火氣不行溼仍布天也

卯酉年水土二鬱證五而火泄畏昏水星虛微之類

民病注下食不及化久而成鬱厥逆而噦熱生於內氣痺於

外足脛痠冷反生心悸懊熱暴煩復厥之類天其間

此以卯酉繼寅申之後陽明當正少陽之位以司天其間

氣太陽寒水居寅申之泉右者必先升卯酉之天左然後

司天陽明得以遷正而水所畏者天芮土星也勝之則升

而不前凡丑卯巳未酉亥六支皆屬陰年卽皆不及卯酉以不及之支陽明未及遷正其應升天左之太陽本未當位而又遇巳卯巳酉年干中運並以土勝太陽之水故卯酉支中獨於二巳土干每見水鬱之證也

民病四支不舉昏眩支節痛腹滿填臆

此以卯酉繼寅申之後陽明當正少陽之位以司天其間氣太陰溼土居寅申之天右者必先降卯酉之泉左然後司天陽明得以遷正而土所畏者地蒼木星也勝之則降而不入凡子寅辰午申戌六支皆屬陽年卽皆有餘上陽支寅申司天少陽以有餘而不退位則右間厥陰本未當

位而又遇丁卯丁酉年于中運並以木勝太陰之土故卯酉支中獨於二丁木干每見土鬱之證也

卯酉年少陽不退位則陽明不遷正

民病少氣寒熱更作便血上熱小腹堅滿小便赤沃甚則血溢又病寒熱歎噫皮毛折爪甲枯焦甚則喘嗽息高悲傷不樂

此以卯酉之年猶行寅申之令火尙布天金化不行也

辰戌年木火二鬱證

民病溫疫早發咽嗑乾四支滿支節皆痛鬱久而發卒中偏痺手足不仁

此以辰戌繼卯酉之後太陽當正陽明之位以司天其間
氣厥陰風木居卯酉之泉右者必先升辰戌之天左然後
司天太陽得以遷正而木所畏者天柱金星也勝之則升
而不前凡他辰戌支木火土水之運太陽水均無所畏而
惟庚辰庚戌金運之年剛金干太過之氣先天而至中運
之金隨之勝木卯酉泉右之木斯鬱故辰戌支中獨於二
庚金干每見木鬱之證也

民病而赤心煩頭痛目眩熱病欲作
此以辰戌繼卯酉之後太陽當正陽明之位以司天其間
氣少陽相火居卯酉之天右者必先降辰戌之泉左然後

司天太陽得以遷正而火所畏者地元水星也勝之則降而不入凡他辰戌支木火土金之運少陽火均無所畏而惟丙辰丙戌水運之年剛水干太過之氣先天而至中運之水隨之勝火卯酉天右之火斯鬱故辰戌支中獨於二丙水干每見火鬱之證也

辰戌年陽明不退位則太陽不遷正
民病嘔吐暴注食飲不下大便乾燥四支不舉目瞑掉眩而
又病溫癘喉閉噤乾煩躁而渴喘息有音
此以辰戌之年猶行卯酉之令燥尙布天寒化不行也
按此則內經遺篇所言疫癘者方是後世所謂瘟疫之病

特因古無瘟字概作温字故誤以温熱病爲卽瘟疫耳

巳亥陰年火欲升而天蓬之水抑之當刺包絡之榮勞宮穴
巳亥陰年金欲降而地形之火窒之當刺心包絡之所出中
衝穴手少陽之所入天井穴

子午陽年土欲升而天衝之木抑之當刺足太陰之俞太白
穴

子午陽年水欲降而地阜之土窒之當刺足太陰之所出隱
白穴足陽明之所入三里穴

丑未陰年火欲升而天蓬之水抑之當刺包絡之榮勞宮穴
丑未陰年木欲降而地晶之金窒之當刺手太陰之所出少

商穴手陽明之所入曲池穴

寅申陽年金欲升而天英之火抑之當刺手太陰之經經渠穴先左後右

寅申陽年火欲降而地元之水窒之當刺足少陰之所出湧泉穴足太陽之所入委中穴先左後右

卯酉陰年水欲升而天芮之土抑之當刺足少陰之合陰谷穴先左後右

卯酉陰年土欲降而地蒼之木窒之當刺足厥陰之所出大敦穴足少陽之所入陽陵泉穴

辰戌陽年木欲升而天柱之金抑之當刺足厥陰之井大敦

穴

辰戌陽年火欲降而地元之水窒之當刺足少陰之所出湧泉穴足太陽之所入委中穴

凡天氣之病曰疫地氣之病曰癘疫以氣言癘以形言也凡治升之法木鬱治木金鬱治金治其本經是也

凡治降之法當折其所勝如木鬱治金金鬱治火是也

凡經言刺法宜在何經卽可爲藥食之準故并載之

木疫解

壬與丁合爲木運上壬則下丁壬午壬子剛木之年少陰主政其在泉則陽明丁酉丁卯柔木也中運天衝木星抑

其上年地右溼土不得升爲本年之天左溼土不升則上
年司天之厥陰不退位而本年司天之少陰亦不得遷正
在下丁木之柔不得上合壬木之剛而反以辛水之司天
臨丁木之在泉則上辛下丁不和木運虛金勝木火又復
金不獨壬失守丁亦失守後三年化成木疫甚則甲申甲
寅微則乙酉乙卯木疫至矣若更遇上年在泉之丙申丙
寅不退位則丁酉丁卯柔木之化不正於下有壬無丁剛
干孤立亦爲金勝火復三年後必作木癘

火疫解

戊與癸合爲火運上戊則下癸戊申戊寅剛火之年少陽

主政其在泉則厥陰癸亥癸巳柔火也中運天英火星抑
其上年地右燥金不得升爲本年之天左燥金不升則上
年司天之太陰不退位而本年司天之少陽亦未得遷正
在下癸火之柔不得上合戊火之剛而反以丁木之司天
臨癸火之在泉則上下癸不和火運虛水勝火土又復
水不獨戊失守癸亦失守後三年化成火疫甚則庚戌庚
辰微則辛亥辛巳火疫至矣若更遇上年在泉之壬戌壬
辰不退位則癸亥癸巳柔火之化不正於下有戊無癸剛
干孤立亦爲水勝土復三年後必作火癘

土疫解

甲與巳合爲土運上甲則下己甲子甲午剛土之年少陰
主政其在泉則陽明己卯己酉柔土也中運地阜土星抑
其上年天右寒水不得升爲本年之地左寒水不降則上
年司天之厥陰不退位而本年司天之少陰亦未得遷正
在下己土之柔不得上合甲土之剛而反以癸火之司天
臨己土之在泉則上癸下己不和土運虛水勝土金又復
木不獨甲失守己亦失守後三年化成土疫甚則丙寅丙
申微則丁卯丁酉土疫至矣若更遇上年在泉之戊寅戊
申不退位則己卯己酉柔土之化不正於下有甲無己剛
干孤立亦爲木勝金復三年後必作土癘

金疫解

庚與乙合爲金運上庚則下乙庚辰庚戌剛金之年太陽
主政其在泉則太陰乙未乙丑柔金也中運天柱金星抑
其上年地右風木不得升爲本年之天左風木不升則上
年司天之陽明不退位而本年司天之太陽亦未得遷正
在下乙金之柔不得上合庚金之剛而反以己土之司天
臨乙金之在泉則土己下乙不和金運虛火勝金水又復
火不獨庚失守乙亦失守後三年化成金疫甚則壬午壬
子微則癸未癸丑金疫至矣若更遇上年在泉之甲午甲
子不退位則乙未乙丑柔金之化不正於下有庚無乙剛

十和彙書 一 卷
干孤立亦爲火勝水復三年後必作金癘

水疫解

丙與辛合爲水運上丙則下辛丙寅丙申剛水之年少陽
主政其在泉則厥陰辛巳辛亥柔水也中運地元水星抑
其上年天右君火不得降爲本年之地左君火不降則上
年司天之太陰不退位而本年司天之少陽亦未得遷正
在下辛水之柔不得上合丙水之剛而反以乙金之司天
臨辛水之在泉則上乙下辛不和水運虛土勝水木又復
土不獨丙失守辛亦失守後三年化成水疫甚則戊辰戊
戌微則己巳己亥水疫至矣若更遇上年在泉之庚辰庚

戊不退位則辛巳辛亥柔水之化不正於下有丙無辛剛
辛孤立亦爲土勝木復三年後必作水癘

按內經素問爲篇八十有一原有刺法論本病論二篇在
六元正紀篇後新校正謂此二篇亡在王氏之前故林億
等所見全元起本亦無之則此二篇之散佚固已久矣惟
宋元符時劉溫舒謂素問運氣爲治病之要而以答問紛
糅文辭古奧讀者難知因爲論三十篇止於朝末附刺法
本病論題曰黃帝內經素問遺篇其篇雖未入正本而猶
在今道藏中明馬仲化謂不知何代爲人竊出私傳不轉
賴有此私傳者而尙得別存乎至吳鶴皋又不解此篇本

是論疫本不是論尋常溫熱遂目以為誕而毀棄之然攷
此二篇所言陰陽上下逐年升降民病所由正與運氣七
篇大有準對必非後人所能假托余於同治乙丙間亦曾
為之釋今特附彙於病釋七篇之後以明欲辨瘟疫者亦
甚賴有此二篇也甲申春正月江左下工錄畢并記

卷之二
六天五臟篇外錄卷五附批二論
對內錄卷四論人十首一以首陳君論本錄卷二錄
干而立衣論士烈水對三爭外必朴水錄
丸本錄外原率日辛走聚水外外水五以不首內熱辛開